



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **M. Fabii Quintiliani Institutionum Oratoriarum Libri Duodecim**

Summa diligentia ad fidem vetustissimorum codicum recogniti ac restituti

**Quintilianus, Marcus Fabius**

**Lugd. Batav. ; Roterodami, 1665**

Cap. IV. De tormentis.

**urn:nbn:de:hbz:466:1-12945**

& decreta principum vel magistratum, remedium nullum est, nisi aut inventa quantulacunque causæ differentia, aut aliqua vel eorundem vel ejusdem potestatis hominum posterior constitutio, quæ sit priori contraria: quæ si deerunt, lis non erit.

præjudiciis & temere judicium consti- | dum lex posterior derogat priori, ita quo-  
tuerunt, non penitus re inspecta. *Idem.* que posterior constitutio aut posterius  
*Eiusdem potestatis.* *I* Quemadmo- senatusconsultum derogat priori. *Idem.*

## C A P. III.

## De rumore &amp; fama.

**F**amam atque *rumores* pars altera consensum civitatis & 3  
velut publicum testimonium vocat: altera sermonem  
sine ullo certo auctore dispersum, cui *malignitas* initium  
dederit, incrementum *credulitas*: quod nulli non etiam in-  
nocentissimo possit accidere fraude inimicorum falsa vul-  
gantium. Exempla utrinque non deerunt.

**D**ocet Cicero in Topicis *famam esse*  
*quoddam civitatis testimonium, itaque*  
*esse quasi quædam multitudinis præ-*  
*judicia:* igitur momentum habet ad con-  
firmandum. quid autem dici possit pro  
ea & contra eam, docet hoc loco Fa-  
bius. Quæ si contra pro nobis faciunt,  
dicemus vix unquam temere nasci, quin  
subsit aliquid veri, alioqui in ore om-  
nium non posse versari: aut si quo casu  
falsa nata sint, evanescere protinus. Ve-  
ra etiam nonnulla auctoritate compro-  
babimus. *Cæsar dimittit uxorem, non ob-*  
*crimen, sed quid suspicione adulterii effe*  
*aspersa.* Cic. Philip. 2. Plausum trahit in  
consensum populi libertatem cupientis.  
Si vero contra nos faciant, dicemus mi-  
nime tutum esse credere famæ populari,  
qua ut nonnunquam vera dispergat, sæ-  
piissime tamen mentiatur. eamque pri-  
mum ex loquutulei alicujus aut invidi  
fabula nasci, ei incrementum addere  
vulgi credulitatem: qua plurimos mi-  
serere circumactos fuisse constet innocen-  
tissimos. Igitur instabilitatem auctori-  
tate non esse amplectendam confirma-  
bimus, & optima paucis semper pla-  
cuissle. Turneb.

## C A P. IV.

## De tormentis.

**S**icut in *tormentis* quoque, qui est locus frequentissimus, 4  
scum pars altera quæstionem, vera fatendi necessitatem  
vocet,

**T**ormenta appellantur quæ adhibito  
corporis cruciatu veritatem expri-  
munt. dicuntur etiam *quæstiones*, quæ do-  
loris vehementia verum inquirant. *Tarn.*  
*X 2 Quid*

vocet, altera s<sup>e</sup>pe etiam caussam falsa dicendi, <sup>1</sup> quod aliis patientia facile mendacium faciat, aliis infirmitas necessarium. Quid attinet de his plura? Plenae sunt orationes veterum ac novorum. Quædam tamen in hac parte erunt propria cuiusque litis. Nam sive <sup>2</sup> de habenda quæstione agetur, plurimum intererit, quis, & quem postulet aut offerat, & in quem, & ex qua caussa: sive jam erit habita, quis ei præfuerit, quis & quomodo sit tortus, an credibilia dixerit an inter se constantia: perseveraverit in eo quod cœperat, an aliquid dolore mutarit: prima parte quæstionis, an procedente cruciatu. Quæ utrinque tam infinita sunt, quam ipsa rerum varietas.

<sup>1</sup> Quod aliis patientia.] Idem quoque testatur Ulpianus, titulo de quæstionibus lib. 48. Ciratur & à Fabio periodus proverbialis in hanc sententiam, Mentiatur in tormentis qui dolorem feret, mentietur

qui non feret. Idem.

<sup>2</sup> De habenda quæstione.] Habere quæstionem est inquisitionem per tormenta facere. olim autem servi postulabantur in quæstionem & dabantur. Idem.

## C A P. V.

### De tabulis.

<sup>5</sup> COntra tabulas quoque s<sup>e</sup>pe dictum, s<sup>e</sup>pe dicendum est, cum eas non solum refelli, <sup>1</sup> sed etiam accusari, sciamus esse usitatum. Cum sit autem in his aut *scelus signatorum*, aut *ignorantia*: tutius ac facilius id quod secundo loco diximus, tractatur, quod <sup>2</sup> pauciores rei fiunt. Sed hoc ipsum argumenta ex caussa trahit, si forte aut incredibile est id actum esse quod tabulae continent: aut (ut frequentius evenit) aliis probationibus æque inartificialibus solvitur: si aut is in quem signatum est, aut aliquis signator dicitur absuisse vel

TAbularum nomine intelligimus quæcunque scripta & instrumenta, syngraphas, chirographa, & testamenta. habent autem tabulae maximam vim ad probandum, si legitimæ sunt. Turneb.

<sup>1</sup> Sed etiam accusari.] Nam cum malæ proferuntur tabulae, competit accusa-

tio falsi, & eum qui eas profert ut falsarium accusamus. Idem.

<sup>2</sup> Pauciores rei fiunt.] Tabule olim fiebant adhibitis testibus & signatoribus. itaque jurisconsulti præcipiunt ut tabulae testamenti fiant adhibitis septem signatoribus. Idem.

<sup>3</sup> In-